

Mmmmhhh...



**Texscht : Mike Sutter
Musig : Mike Sutter**

**i cha mi nid konzentriere
äs loht mi nid in Rueh
bi vöuig am rotiere
u schtange näb de Schueh**

**i mache Gümp u lige flach
i flippe us u tue ke Wank
mini schterchi macht mi schwach
i bi nid gsung u bi nid chrank**

**i ha vor Hunger ke Appetit
i häbe ab und lande weich
i gleite sanft dür Ruum und Zyt
i tribe imne bunte Teich**

Mmmhhh...

**i gheie abe u ufe u übere
äs schpickt mi hin und här
cha mini Vorsätz küdere
s'isch fäderliecht und wiegt so schwär**

**wo lang isch lisch gsi, isch jetz Fүүr
i bi usser Rand und Band
mir isch's so wouh u doch nid ghүүr
i bi im Usnahmezueschtand**

**äs louft mer chaut dr Rүүge uf
u heiss vor wieder abe
ha vor luter Luft ke Schnuuf
u s'flutteret im Mage**

Mmmmhhh...

**i ha mi verliebt
Du gloubsch es ni
i ha mi verliebt
usgrächnet i
i ha mi verliebt
s'isch gscheh um mi
i ha mi verliebt
und zwar i Di**

**i muess mi fasch a Bode bing
chönnt vor Glück ä Arie singe
wetti mini Schmäterlinge
i Dis Papillonrama bringe**

**i ha mi verliebt
Du gloubsch es ni
i ha mi verliebt
usgrächnet i
i ha mi verliebt
s'isch gscheh um mi
i ha mi verliebt
und zwar i Di
i ha mi verliebt
verliebt i Di**